



Broj: 11-04/03-34-6442-1/26
Sarajevo, 09. 03.2026.godine

**OSNOVNIM ŠKOLAMA
SREDNJIM ŠKOLAMA**

n/r direktora/ice
n/r EMIS odgovornih osoba

PREDMET: Unos podataka za učenike koji su završili osnovnu školu izvan Kantona Sarajevo u EMIS Web informacioni sistem i polaganje eksterne mature – **Informacija, dostavlja se**

Poštovani,

Ministarstvo za odgoj i obrazovanje Kantona Sarajevo, u skladu sa Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, br. 27/24) i Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19), provodi eksternu maturu za učenike osnovnih škola na području Kantona Sarajevo.

U nastavku dostavljamo sljedeće informacije.

- **Učenici koji su državljani Bosne i Hercegovine, a osnovnu školu su završili izvan Kantona Sarajevo**

Prema odredbama Zakona o odgoju i obrazovanju u osnovnoj i srednjoj školi u Kantonu Sarajevo, učenici koji su državljani Bosne i Hercegovine, a osnovnu školu su završili izvan Kantona Sarajevo, imaju pravo upisa u srednje škole Kantona Sarajevo pod istim uslovima kao i učenici sa područja Kantona Sarajevo.

U tom kontekstu, Ministarstvo je odredilo sedam osnovnih škola u kojima će učenici koji su završili osnovnu školu izvan Kantona Sarajevo polagati eksternu maturu i dostavljati dokumentaciju za unos podataka u EMIS informacioni sistem, što je neophodno za upis u prvi razred srednje škole putem online sistema.

Osnovne škole u kojima će navedeni učenici polagati eksternu maturu i predavati dokumentaciju:

- JU OŠ „Silvije Strahimir Kranjčević“
- JU Deveta osnovna škola Ilidža
- JU OŠ „Šip“
- JU Sedma osnovna škola Ilidža
- JU OŠ „Podlugovi“
- JU OŠ „Stari Ilijaš“

- JU OŠ „Srednje“.

Potrebna dokumentacija za prijavu:

- Izvod iz matične knjige rođenih;
- Svjedodžba o završenoj osnovnoj školi;
- Uvjerenja o završenom 6., 7. i 8. razredu;
- Dokumenti/Diplome koji dokazuju rezultate postignute na takmičenjima, a u skladu s Odlukom o kriterijima za upis učenika u prvi razred srednjih škola Kantona Sarajevo.

Rok za prijavu učenika koji su završili osnovno obrazovanje izvan Kantona Sarajevo je 10. juni 2026. godine.

- **Učenici koji su završili osnovnu školu prema nastavnim planovima i programima drugih država**

Učenici koji su završili osnovnu školu prema nastavnim planovima i programima koje su donijeli organi drugih država u skladu sa vlastitim propisima, dužni su izvršiti postupak ekvivalencije i nostrifikacije obrazovnih isprava.

Postupak nostrifikacije i ekvivalencije pokreće se podnošenjem zahtjeva Ministarstvu za odgoj i obrazovanje Kantona Sarajevo na obrascu N/E 1, koji je dostupan na web stranici Ministarstva, u dijelu *Preuzimanje – Zahtjevi i obrasci* (Link: <https://mo.ks.gov.ba/nostrifikacija>).

Nakon što se završi postupak ekvivalencije i nostrifikacije, učenici su dužni dostaviti sljedeće dokumente u OŠ „Edhem Mulabdić“ radi unosa podataka u informacioni sistem i kreiranja oID (obrazovnog identifikatora), koji je neophodan za prijavu u online sistem upisa u srednje škole:

- Izvod iz matične knjige rođenih;
- Rješenje o izvršenoj nostrifikaciji;
- Dokumenti/Diplome koji dokazuju rezultate postignute na takmičenjima, a u skladu s Odlukom o kriterijima za upis učenika u prvi razred srednjih škola Kantona Sarajevo („Službene novine Kantona Sarajevo“, br. 11/25 i 37/25).

Podsjećamo da je Odluka o kriterijima za upis učenika u prvi razred srednjih škola Kantona Sarajevo („Službene novine Kantona Sarajevo“, br. 11/25 i 37/25) dostavljena svim školama i objavljena na web stranici Ministarstva, u sekciji *Propisi*.

Potrebno je da ove informacije objavite i na web stranici vaše škole kako bi bile dostupne svim zainteresiranim učenicima i roditeljima.

S poštovanjem,



Dostaviti:

1. Naslovu
2. Udruga Vijeće roditelja učenika osnovnih i srednjih škola Kantona Sarajevo vijeceroditeljaks@yahoo.com
3. JU Institut za razvoj preduniverzitetskog obrazovanja Kantona Sarajevo, ul. Aleja Bosne Srebrene bb, 71000 Sarajevo, info@irpo.ba
4. a/a.

